

天竺高詩自叙

嘗謂古人之於詩，非窮不但
後工，人之于詩，非窮不但
不工，亦不敢作，彼振纓承華
抱膝，展采之士，為未嘗輕

自操鉛槧出之語示人如往
余弱冠釋褐良尚書郎
領將作事與貂璫名俱行
多掣其肘三十專城握角
符治為安九屬邑務日衆

學得民和三十餘而為楚
替學使者奉子墨氏以往
焚膏繼晷迄是寧日拮据
前後不暇為詩更不能為
詩有所哦咏甫為咽喉而

遠以之間一落筆伸楮第
以自遠不敢題書國門實
惟是觸諱犯忌之為兢兢
乃今放逐歸來衣大布短
笠芒屨而游田間窮矣窮

則無所於頌忌而得為詩矣
故才不必倚馬思不必七襄
語不必雕蟲業至而自喜為
詩甚至乎待成而日益減產
損七著考所不問即窮六

且忘之矣第余拙甚豈能
為工不工而亦竟不能多大
考卒歲可得一帙積三歲而
集始一出茲稿乃丁酉春至
戊戌夏一季有奇所為詩

山客曰子蓋嘗柳榆海內人
士操觚未前而刷考在後
猥以穀音托于九皋詭木
海內至使鄧林之材僅以供刻
集之用而不自知其為木之

災也唇口未乾而子自蹈之
亦不自咲而咲他人耶噫嘻
不然昔伯牙鼓琴鍾子期聽
之志在高山曰巍乎泰山志
在流水曰洋洋乎若流水子期

死伯牙終身絕絃不復鼓
夫何以故重知己也世以而
伯牙我者則已矣今六合以
內凡有而外有一子幼余安
得不急之余安得不急之

余又安能矜愚區醜掩於
退藏自為帳中之秘已也若
乃因噎廢食惡醉以酒創
世風而去獨見固哉夏竦
之於水余每身矣詩凡三百

九十之四之二首系為三十五之
七之古三十三首詩一百八十之絕
句三十九之而統命之曰天倪
齋詩以多成自高中故時
萬曆戊戌四月既望象也

光彥吉父識

天倪齋詩目錄

卷之一

四言古詩二首

琴之川

琴之川頌海虞徐母也

平壤之什

平壤志倭患也壤屬朝鮮而倭據之
伺我中國鴟張跳梁禍以滋蔓天

子知創司馬不卽省備也

古樂府二十九首

襄陽樂四首

江陵樂四首

石城樂四首

江南樂四首

三洲歌四首

釣竿歌

有所思

芳樹

結客少年場行

緩歌行

自君之去矣四首

卷之二

五言古詩十五首

穀日晴和占年者謂爲豐歲之兆欣

然命管

餘艸寡營頗理繪事盤礴小間爰賦
一首

入田家

酬廣陵何茂倩讌集鴻寶堂一首

立秋日作

泊舟湖堤登淨慈寺入蓮花洞

由玉泉寺觀魚經傅家園入靈隱

小憇

飯天竺後至雲栖菴投宿

石屋洞

登紫陽菴望羅剎江

新安潘景昇顧我衡門竟日乃別賦

此爲贈凡三首

早春大酉齋獨坐展卷後有作

避暑惠山寺作

卷之三

七言古詩十七首

春宴曲

夜聞百舌

入天平諸山觀梅一夕而風雨摧敗

余有感焉作落梅歎

歌送盛徵君季常入都門赴萬駙馬

之招

大浮山人歌贈陳性甫

女郎走馬行

吳無倚以秋水名齋欲得予一語爲

贈短歌致之

與友人過惠山寺尋唐入所謂小洞

穿斜竹重堦夾細莎處不可復得

而其詩自在膾炙千古余有感焉

因作短歌

天保齋詩
代閨人答輕薄少年

乞巧行

飛來蜂歌

歌送沈休孺游燕

口占贈製燈人

摩竭庵看飯僧

閻門行

放舟石湖歌

送金重珍游越中

卷之四

五言排律四首

自鄧尉山人楓橋舟中有述

寄贈雲間袁履善

過定慧禪寺已極荒落而虎跑泉自

在甃憇有作

寓虎丘山房淫雨不絕與客飲酒酣

歌聊以送日賦得二十一韻

卷之五

五言律詩七十首

人日作二首

新年覽鏡二首

肺病二首

登虎丘寺弔古

遇寒山寺

花朝

花朝後一日月下進舟吳門將入靈

巖諸山

入天平諸山一路行梅花樹下清芬

秘醇幽意絕倒得鈞字春字二首

飯一雲僧舍有僧三空者臘甚高能

作世諦語

飯天池山房二首

天伊齋詩目金
風雨泊舟婁門郭外

停橈崑山城下與客步至玉峰

過瑞光寺甚古而傾圮殆盡

開元寺

雙塔廢寺

霖雨後泛舟清溪泊西定橋六首

送孫太學入白門應試

雨後涼生示友人二首

偶患小瘍不能如戒去酒拈杯有作

游秦園

坐騷壇

復惠山寺小洞紀事

七夕

寄贈雲間顧隱君繼父

宋明之留余榆枋館者凡兩越月而

別去不勝愴然賦詩以送二首

天保齋詩 目錄
寓虎丘僧房五首

示大音上人

虎丘寺有沙彌者初號定宇語大不
類渠師大音請于余更之爲覺海
而系以詩

四君詩

孟嘗君

信陵君

平原君

春申君

登煙雨樓四首

月夜泊塘栖道中二首

繫纜塘栖有一鄰舟者客甚豪舉清
歌不絕余命侍兒和之悵此相角
不通姓氏不覺申旦

寓昭慶寺僧房二首

天保齋詩 目錄
泛舟西湖四首

法相寺有長耳和尚示化今其法體尚在

勝果寺

龍井寺是葛仙煉丹處

送南平開士自揚州還蜀中

除夕詠懷四首

人日偕友人入惠山寺二首

穀日晴和不覺意快與陳性甫諸君步入南禪寺

于城南步至綠蘿庵

卷之六

五言律詩五十四首

客有勸予盡刪生平所著書者詩以應之

春陰始霽懷拍拍然有作示友人

天保齋言 目錄 九
泊舟閭門夜雨酒間示宋明之

將入西山觀梅爲雨所阻

陌上觀游妓二首

過摩竭庵聽如公講楞嚴經二首

摩竭庵聽經後往保安寺尋僧行固

不遇

清明卽事

入惠山寺看玉蘭二首

入寺後同宋明之黃友上游秦氏園

亭主人延入內館不果赴二首

春日郊行二首

亡母四十餘年始得十兆清明日展

墓哀感有作

名區兄與余爲隣有年今遷於邑之

城東隅賦詩以送得二首

春閨四首

寓虎丘僧房苦雨四首

贈原公檢藏虎丘寺

周似虞初度有贈周業岐黃家

游支硎山四首

雨後尋原明庵

過治平寺雲岫和尚山房二首

游大石山二首

下大石後入舟尋步至陽山麓覓徐

氏莊居二首

幽居十首

苦雨四首

卷之七

七言律詩三十首

丁酉元日作用唐初體

游魚啖花影和安小范作

正月十五夜鴻寶堂與諸友觀燈得

天俟齋詩目録
春字圓字城字三首

鄧尉山房投宿二首

月下楓橋泊舟呈黃吳陳諸君

過故舅氏司馬王元美公小祇園有

感二首

詠病美人

午後散步姑蘇城南入暮乃返

何茂倩自廣陵過訪酒間有贈

送安茂卿應試北上

早夏開居詠懷四首

五茸張生爲余寫小影肖甚舉杯絕

倒不覺成句二首

宋明之抱虎頭絕技而兼知韻語頃

從雲間來訪予梁鴻溪上有贈

送華公蕪茂才應試入白門

夏夜坐簷蔔軒有懷王百穀

頗聞海上之警于佞佛齋作

看客夜奕

新秋日暮進舟五里湖至石塘口

卷之八

七言律詩二十七首

邊郡伯報政

王山人太古故新都人也僦居梁溪者十餘年頃復徙而之廣陵為詩

一章送別

中秋十五夜游惠山寺月色微明而

意興頗劇得筆字

寄懷屠長卿讀禮四明山中

贈南平開士

娑羅閣雙桂樹盛放

過石門鎮示同行諸君

步六橋堤二首

拜岳武穆墓

登宋御校場有感

飯三茆宮

秋日送呂學博之蜀李官

送毘陵令桑君入覲

贈陳伯箕七十

贈吳隱君六十

人日張燈集客辛夷榭二首

送王季良鴻臚北上

入虎丘山寺尋梅花二首

雨後虎丘寺夜半見月

春寒雨雪辱楊承琰見過

寒食對客

送順公游五臺

贈溧陽諸生宋獻孺

送吳執夫游廣陵

卷之九

六言絕句七首

卜居虎丘詩六首贈新都蘇爾宣

大音上人手摘新茶煮泉以獻余嘉

其意爲賦六言

五言絕句二首

詠庭中王蘭

卷之十

七言絕句三十首

病後入山尋梅花四首

與客過荒圃二首

少年行二首

醫生呂應鍾者不談醫而談詩爲調

二絕

八月十三夜虎丘遇雨二首

錢塘懷古六首

閩門聽歌妓二首

泊舟吳門就其俗作竹枝詞六首
落梅四首

天倪齋詩目録

畢



天倪齋詩卷之一

梁溪鄒迪光彥吉父著

四言古詩二首

琴之川

琴之川頌海虞徐母也

琴之川清清者漪彼氏之女婉嫵令儀家
訕旣嫺女誠以窺

琴之川有魴有鯿彼氏之媛令德好逌鷄



鳴視旦禮義切櫛

琴之川有木扶踈。彼氏之嫠撫孤以居。霜幃鬼火。白首歛歛。

琴之川墓木拱矣。代子以媳夫勿死矣。不寧勿死。麟趾振矣。奕奕青衿。亶其劭矣。

亦既有子。亦既有孫。揚于彤庭。表厥宅門。春秋俎豆。肅肅駿奔。

俎豆既陳。賓于天閭。當生猶死。當死不亡。

母也。允植人紀。人綱。

琴之川六章三章章六句一章章八

句二章章六句

平壤之什

平壤志倭患也。壤屬朝鮮而倭據

之伺我中國。鴟張跳梁禍以滋蔓

天子知創司馬不即省備也

平壤荒荒。島夷獮狂。韎韐其勦。

平壤瀼瀼島夷陸梁誅鞞其亡

爰棄爾甲爰棄爾戈桓桓六師怯如之何

棄甲曷捍棄戈曷前巖巖將師繫爾之愆

亦匪爾愆亦匪爾誤既已有年蹈瑕釀禍

我之不備彼矚其故

曷不克備執事者耄用彼狡徒作我國耗

司馬石公聽宵人沈不即周行步彼間道

三年即戎古有明詔天子聖明胡不以

告

皇赫斯怒爰正厥罪弗爾靖共怠于有位

謀及三事實之狂狴

狂狴寘矣司馬創矣彼蠢者夷庶其殆矣

彼實不殆儉狃孔滋費我水衡匱我倉儲

女困于紅田畷不蓄堠戍相望達于京師

京師泄泄是寵是啟是貨是嗜沉湎滔淫

日昌以熾譬彼錮疾不以砭刺厥備用弛

天佩齋詩 卷之二
豈惟執事

右平壤十章二章章三句三章章四句二章章六句一章章十句一章章八句一章章九句

古樂府二十九首

襄陽樂

大編載三千小編載十百換得紫磨金燈
前盡一擲

其二

襄陽好兒女粧成臨大路挑客盡黃金
明朝不相顧

其三

持杯問上賈黃金定多少着是腰纏輕留
連莫待曉

其四

入江江水深入海海濤惡忘却風波苦只

天保齋詩
卷之一
四
誇大堤樂

○江陵樂

布帆嗟峨來知懽定在否解下繡茱萸且
換宜城酒

其二

湘東酒一罇留懽不肯住爲言採明珠五
月滇南去

○其三

懽度瀟湘來正妾餵蠶時妾心如蠶腹中
有千萬絲

○其四

妾有黃蘗樹枝葉漸婆娑妾爲懽却茹盡今
日已無多

石城樂

妾住石頭城懽住水西口石心不可移水
向東南走

其二

與懽相抱卧密密三重閨莫種庭前樹更
深鳥上啼。

其三

懽度竟陵去一日一千里妾心如車輪宛
轉日幾許。

其四

且脫金步搖微身送郎行雲生瓜步渚望

郎不分明

江南樂

懽是東園風儂是桃李樹不怕根枝移只
恐華落去

其二

橫塘是儂家塘水何漸漸非關春漲發是
儂流淚添

其三

可憐樑間燕。涎涎覓故居。郎情不若鳥。棄
妾忽如遺。

其四

蘭葉何翩翩。蘭花何婀娜。豈無百種香。感
郎獨採我。

三洲歌

流蘓八角帳。象牙六尺床。爺娘不肯睡。那
得解羅裳。

其二

羅帷任意低。比翼一雙栖。見郎無所喜。一
夜抱郎啼。

其三

朝發三江口。暮宿巴陵城。不因心所期。那
肯逆風行。

其四

相思何縷縷。相見成默默。石碑橫口中。一

字不得出。

○釣竿篇

珊瑚爲君釣。茱萸爲君網。桂粟爲君餌。琅玕爲君漿。大魚絕波去。小魚逝兩兩。名在實不存。用力自鞅掌。與懽前浦期。夙昔願相隨。褰裳涉中流。風波乃間之。要非懽所好。虛名亦何爲。臨流徒艷羨。日暮空傷悲。

○有所思

莫然思君中心不愉。何以貽之。雙明月珠。念欲貽君。踟躕反側。從新棄故。以玉爲石。亮君不爾。卒以相施。昭昭明月。寸心在茲。君竟差池。棄我如草。憂從中生。欲令人老。食梅知酸。食荼知苦。甘苦自知。誰爲余吐。天高罔極。水深莫測。願爲黃鵠。恨無羽翼。

○芳樹

猗與庭前樹。流芬亂華月。芳香何旒旒。翠

天俛補言 卷之二
穎何曄曄嚴霜一以被末路竟委絕念此
千金姿甘與衆芳歇西北有佳人容華冠
時列素腕約明珠柔肌皓冰雪昔爲世所
憐今爲世所忽年盛不可再途窮有時折
莫以桃李顏晒彼蕭艾質

結客少年場行

生不願獵汗簡握丹鉛又不願執刀椎坐
市廛雕弧金僕姑驄馬鐵連錢經過許史

第出入金張間朱提散盡不復問結客往
往多少年置酒高堂上鯨吸如流泉縱橫
面目那及認肝膽一片相周旋東市挈人
頭西市拖兔肩日高啣白刃日午挾珠鈿
豈無三尺法扶風之吏不敢前咲殺淳于
葦止憑口舌利朝游秦楚暮適燕君不見
聶政肝要離骨千秋地下生顏色

緩歌行

金烏西沉大地黑，蘭缸熒熒飛玉魄。汝南
晨鷄號四壁，瞥眼又見扶桑赤。流光一日
且一日，馮生誰是不死客。今我不樂游上
國，長楸高衢若矢直。旗亭甲第紛赫奕，庭
有擊鐘門列戟。立談執手手可炙，香鞞金
鞵行絡繹。陌上相逢不相識，青樓螭蟬絳
珠箔。樓中之人花貼額，柔骨膩理勝粉澤。
長袖善舞繞密室，感君不遺報君德。爲君

含羞薦寢席，夷門枳里輕七尺。手殺人頭
足蹂躪，金吾緹騎不敢跡。歸從淳于飲一
石，黃金山多輕棄擲。五侯朝游七貴夕，咲
殺迂儒守經籍。誰其曾史孰盜跖，來日大
難匪所惜。斗酒寸心且自適。

自君之去矣

自君之去矣，寶鏡爲誰發。思君如藕絲，纏
綿無斷絕。

其二

自君之去矣。羅衣爲誰卷。思君如轆轤。一日千萬轉。

其三

自君之去矣。蓮步爲誰躡。思君如連環。有結不得解。

其四

自君之去矣。香燐爲誰設。思君如明燭。丹

心長自熱。

天倪齋詩卷之二

梁溪鄒迪光彥吉父著

五言古詩十五首

穀日晴和占年者謂爲豐歲之兆欣然命管

解組卧林麓
枌榆欣有託
雅志荷鋤笠
食力漑塲藿
四運無停轡
寒暑相遞作
感發一以收
條風扇華薄
林鶯學啁哳
澤蘭漸



舒萼愛此五穀辰。淑景驟盤礴。人無挾纊。
情常服謝。狐貉春盤佐。薇蕨野饌。惟餽飪。
斟酌命友生。預此豐歲樂。柔桑匝庭除。良
疇幸負郭。貴足不願餘。沒齒在丘壑。

餘艘寡營。頗理繪事。盤礴小間爰賦

一首

夙懷邴尚志。頗果遠游諾。爵服非所營。山
水欣有託。擔囊命徒侶。戒帔青絲笮。揚擢

闔閭城挂席。長洲郭是時。春未暮。鮮韶振
叢藿。浮颺何盈盈。炊煙亦漠漠。弱柳罨柔
絲。天桃吐華萼。鷗羣狎不去。鶯友自相索。
遐峰衛芳原。近嶺赴珠箔。白雲投觥竿。斟
酌展戲謔。餘勇奮不律。解衣自盤礴。林巒
歸鉛槧。卉木就丹雘。冰絹一以繪。置身在
丘壑。自顧非凱之。尚友有餘怍。游戲事非
桓。仁智理足樂。申言謂友生。小道未須薄。

入田家

春明尋遠山，山遠多浚谷。黃髮四五人，延我入茆屋。折葵代膿魚，炊菰作饘粥。獻客漉舊醅，飼馬剉新粟。不問府吏賢，但咲世人俗。燒竹照松扉，澆留俟明旭。

酬廣陵何茂倩讌集鴻寶堂一首

空谷希足音，窮巷寡軒轍。何幸賢豪人，忽此下巖穴。入門倒衣裳，趨走屐亦折。羨君

美清揚，媿我就衰劣。開畦摘蒲葵，解裘換麩蕨。膾鯉出陶匏，盤飧無餘設。霞明爛緹幕，雲輕翳華柎。是時天宇澄，枉駕有羣哲。奕奕奏金徽，霏霏吐玉屑。夫君四氣備，不言自怡悅。申藻枉蓬蒿，琅玕翠羅列。感此同心言，如彼郢門雪。誰云中散後，廣陵音調絕。

立秋日作

天保齋言 卷之二 三
祝融收赫烈，羲和頓炎轡。金祗儼戒辰，白
藏乃臨泣。歌函事斯舉，貍劉禮初備。恢台
漸以解，赤日稍知避。零霜度荷肅，育風搖
柳頽。嘒嘒涼蟬鳴，朱華日就墜。志士督物
化，感秋非一致。長謂九辨詞，宋玉殊未旣。
景逝時不還，容衰理難穉。度勉玄髮懽，毋
遂有生累。

泊舟湖堤登淨慈寺入蓮花洞

命楫辭漣漪，改策步芳陸。迤邐捫蘿入，輕
颺襲余服。琳宮何巖嶭，直指銀漢矗。吐磴
旣百盤，規術亦千複。仍仍白玉締，煜煜黃
金簇。流霞駐華柎，旭日射瑤楸。已秋寶花
聚，不風檀氣郁。世尊趺青蓮，金像嚴以肅。
別殿置聲聞，法體各丈六。不謂閭浮間，穢
土有天竺。旋窺蓮花洞，愴怳信幽獨。金膏
逝明滅，玉乳紛可掬。有漏惜其軀，難竟快

茲目

由玉泉寺觀魚經傳家園入靈隱寺

小憇

信屨無荒蕪。循垓盡叢樾。委蛇玉泉寺。方塘燭毛髮。神魚樂在藻。錦鱗自出沒。賈勇奮余足。過往不蹙歇。稍辭陜徑仄。便與園林豁。激流代飛瀾。斲石刁為窟。咄哉締繡巧。毋乃用力搨。來奇恣攀緣。去美恨倏忽。

琳宮割天半。日月排繡榻。神龍乍蜿蜒。蒼虎政孳攫。林木奏鈞天。庭鳥聽說法。是時秋氣淨。萬象明若揭。化區一以投。慧想溘焉發。安得煩惱軀。乘此慈悲筏。

飯天竺後至雲栖菴投宿

躑躅雖云疲。矚眺良以適。巒阿互重複。水石遞瀟澹。繡木蔚千尋。翠障峭百尺。憇足入祇林。俟飯問香積。伊蒲實克腸。甘露漸

沾。嗑。委。蛇。空。門。步。陵。緬。紆。途。策。下。穿。襍。潛。
蟲。上。陟。介。逸。翮。頽。雲。亂。觸。懷。墮。石。鋸。妨。屐。
險。極。乃。收。奇。勇。賈。竟。忘。瘠。越。城。若。半。丸。羅。
剝。亦。餘。液。偏。側。廢。籃。輿。高。寒。薄。絺。絡。嶮。嶮。
歷。已。徧。琳。宮。靚。金。碧。敢。以。無。生。言。一。叩。彌。
天。釋。袈。裝。聚。徒。侶。栴。檀。發。薌。澤。朱。旛。殊。旖。
旒。幽。唄。何。絡。繹。坐。聽。蓮。花。漏。忽。焉。惕。塵。魄。
諸。天。有。陽。鳥。陟。射。閭。浮。白。

石屋洞

曰。余。恣。冥。討。歷。覽。未。皇。休。始。收。雲。門。勝。復。
窺。地。肺。幽。靈。穴。何。離。奇。廓。如。白。玉。樓。芙。蓉。
繡。排。列。玫。瑰。相。撐。摶。丹。艷。旣。自。然。締。構。亦。
以。周。儵。忽。所。拓。闢。混。沌。那。及。謀。煉。石。由。女。
媧。益。以。班。倭。鏤。金。膏。日。夜。滴。瓊。乳。紛。錯。繆。
巡。行。有。虎。兕。呵。護。多。龍。虬。罅。日。漏。朱。光。不。
使。萬。象。度。琤。琤。奏。天。樂。肅。肅。叩。鳴。鐻。神。僊。

天倪齋詩 卷之二
匪可冀歎息登茲丘

登紫陽庵望羅剎江

巨靈舒其蹠。訝然拓茲窟。洞門從雲剗。牕
扉自天割。瑰柱何玲瓏。瓊楣盡摩豁。日月
代蔽虧。煙霞莽出沒。拏攫不可降。曠朗又
誰揭。雲根插碧蘚。石頰吐清樾。上窺青冥
高。下視羅剎闊。未雨寒氣沁。不風濤韻聒。
琳都接銀海。茫然窮一髮。長嘯空乾坤。安
辨吳與越。丁僊儻可呼。偕之弄海月。

新安潘景昇顧我衡門竟日乃別賦

此爲贈凡三首

偃息衡門下。嗒然無與適。忽聞剝啄聲。云
有車馬客。意氣慨以慷。昂藏軀八尺。陳滌
旣翩翩。吐論復奕奕。入門爲我言。結念自
夙昔。神賞旣有時。握手在今夕。願言自此
始。締好金與石。

其二

金石以爲期。肝膽慎自持。不若餘耳交。始
合卒間之。之子抱才譎。文采光陸離。詞場
豎赤幟。士論歸白眉。醞釀不用宣。聲華以
四馳。顧我么麼質。感子不鄙遺。嗜癢逐腐
臭。將爲識者嗤。

其三

所嗤非必短。所譽非必長。箕畢好不同。彼
各有所將。不見鹽梅中。無忘桂與薑。多子
握高誼。下馬入中堂。空谷聆足音。爲子倒
衣裳。堂中何所有。所有但酒漿。散髮坐茅
茨。比昵各盡觴。摘我青門瓜。聊以充圓方。
良風四面披。好鳥東西翔。旣來不須臾。又
復去河梁。愧乏十日飲。歎息以彷徨。

早春大酉齋獨坐展卷後有作

門巷無居人。蒿草深一尺。偶然問字至。總

非車馬客誰謂城市囂意遠境自僻桃扉
爛如繡柳縷孃可織鶯律無敗管鷲壘盡
堅壁曰余罷將迎偃仰寡物役邁瑗非自
知馬卿病猶昔滔淫匪耳目沉湎在典籍
鹿麋羣不解蝴蝶夢亦適且輟陶公駕甃
置阮咸屐不風自歆巾未夏已岸幘庭留
貢禹櫝徑滿羊求跡妻孥或相窺鼓唇見
嘲謔所嘲亦何以十載竟落魄曳裾不如

鄒署門空似翟婦言何足聽呼酒盡一石

避暑惠山寺作

大暑十日出揮戈不得遣枕書柴門下伊
鬱寡所展薄言命友生執熱一游衍紋颺
出林柔穀雲赴柯淺速客雙麀麇和歌一
睨睨行逢孤蘭若綠筠信婉孌猊座旣以
叅散髮去冠冕命席受條陰結跏籍石蘚
河朔諒在斯樽酒定匪酒振衣欲憑危濯

纓欣就坎。覺此刹那間。煩惱條馬剪。安得
栖空門。寒燠任推轉。

蘇詩卷之二 終

天倪齋詩卷之三

梁溪鄒迪光彥吉父著

七言古詩十七首

春宴曲

柳縷吐茅香玉短。轆轤井上金梧煖。軟風無力墮銀床。十二雕櫳春色滿。芙蓉繡縵殷相向。膩燭燦煌射鴛帳。雲母屏深翡翠列。大家寶髻宮人樣。金鈿貼額舞巴渝。石

天
傳
言
卷
之
三
一
榴裙拖襪半兩蘭堂窈窕羅絲竹哀絃繁
音振林木湘東醺醪十千錢銀尾壓槽聲
輕。輓丹椒紫芍調蒼麟紅乳青酥魚白鹿
玉。邃聲中暗波咽綠窓飛入梅花月美人
狎坐啣瓊卮華鐙亂落纓綉絕紅顏解作
豪士態手把唾壺擊盡裂此時此會情何
限不知蓬萊水清淺人生快意花底活朱
繩難牽白日轉

夜聞百舌

玉井瓊欄下纖綆赤橋孃媢鋪花影兩重
雲母障葳蕤百幅冰綃羃籃筍博山鑪蕪
都梁香露濕珠簾煙氣冷蘭膏焰焰光不
除滿堂大嚼紅碑磔牙籌飛筭淳于酒瑯
簾高擎公子魚羯鼓催花人語亂銀河耿
耿天漫漫無端百舌亦多情却與啼鳥相
互喚初疑檐前亂鳴鐵更似篳篥酒飛雪

忽然兒女漫多愁。欲語不語意幽噎。尋常
多待五更轉。怪底未明先掉舌。相呼未了
撲速起。金繩半落池塘水。主人旣醉席花
眠。莫更啁啁驚夢裡。

入天平諸山觀梅一夕而風雨摧敗
余有感焉作落梅歎

江南二月春光早。千樹萬樹梅花曉。峨眉
嶺畔雪初明。姑射峰前月正皎。無端素所

辭故枝。昔何秘。辭今披。離歷亂紛紛。擾天
地。不待慙懃玉笛吹。昨日梅花開。蹊頭萬
玉堆。今日梅花落。瓊瑤散。霧霏花神無力
強支持。風雨相煎何太惡。未寄隴頭人先
妝。壽陽額。蹀躞偏依茂苑雲。滌洄還傍長
洲陌。可憐片片墮誰家。廬嶺羅浮斷消息。
奪却千林百陣香。併入五湖一派白。此時
妓女七香車。此際玉孫白鼻騮。行游不惜

日將暮對此落梅長歎嗟朝華霎霎暮華
朽怪底春風不耐久爲誰憔悴爲誰妍金
谷河陽今在否我歌落梅君聽起世間萬
事皆爾爾層城豈是無顏色那得君恩長
在此芙蓉未老心先死

歌送盛徵君季常入都門赴萬駙馬
之招

皇家貴戚誰最貴平陽公主勢無比繡戶
透迤傍日開妝臺巖巖連雲起九華步障
列千重百和鑪香聞十里片言一出山岳
移萬乘威福惟所爲列侯曾隸掃除役丞
相乃是吾家兒誰知蕭史故仙骨丰姿落
穆意蕭瑟不將歌舞傲青春但取琴尊娛
白日金貂迭進紫隄糜玉女長供銀不律
生平意氣最憐材不憚輕身下草萊誰其
交者盛處士一騎直走黃金臺黃金臺前

春正好。燕語鶯啼日杲杲。宮桃花發建章
深。籜柳陰分長樂早。主家設館及春妍。甲
帳流蘓羅七寶。遠道還須負弩迎。入門不
覺披衣倒。夫君登壇挾七首。千夫辟易萬
夫走。詞成黼黻巧於絲。筆掃煙霞禿爲帚。
陳琳阮瑀久不作。枚乘鄒陽今在否。記室
翩翩近屬君。和璧隋珠墮其手。送君去上
河之洲。五花寶馬疾如流。爲君慷慨賦遠
游。男兒懸弧在天地。別時不作眉間愁。惟
有梁谿青青數行樹。戀戀于君願君住。黃
鳥還從道上歌。白雲如向尊前駐。燕市酣
歌良足樂。何如一丘與一壑。少文亦是千
秋人。詎必禽生事五岳。

大浮山人歌贈陳性甫

吾聞太湖之山七十二。其中一山名大浮。
石面倒插巨鰲背。澗戶窈窕鳴蒼鏗。金芝

玉佩齋言 卷之三
五
瑤草闕石室靈怪惚恍不可求君家結屋
在其麓枕書萬卷卧空谷丹霞爲蓋雲爲
椽朝呼黃猿暮白鹿桂樹蒙茸宅可栖桃
花爛熳居能卜世間金谷豈不貴何如考
築歌在陸憶昔於陵陳仲子敝屣三公等
閒爾鹿門鄭谷從茲始大浮山人亦如此
女郎走馬行

誰來騷裏千金錢蘭筋權奇骨色妍朱繩
牽出長楸間軒首噴沫嘶入煙道旁觀者
人摩肩女郎含嬌始向前手脫臂璫執玉
鞭錦裘繡帶紛躡躑翻身跨馬躍金韉欲
進不進疑迤邐忽然竦轡凌空騫一刷直
欲超幽燕玉肌却與霜蹄便突如矢簇射
的穿翔如紫鷲舞迴簷杳如落花去不旋
回如獨鶻驚避弦住如流星沒虞淵捷如
猿猱奮如湍終風解散倏復連霹靂亂擣

長虹懸。雙雙羅襪飛上天。衆中道是人中
僊。游龍走鳳態屢遷。就中轉盼更足憐。不
知目成若箇邊。桃花汗出如流泉。輕綃半
濕染血鮮。技窮藝絕意未捐。餘巧畧設猶
蜿蜒。恍惚墮地立毳氍。微睇巧咲向玳筵。
拭面徐整雙金鈿。妖耶神耶胡翩翩。欲挾
汝去巫山眠。

吳無倚以秋水名齋欲得予一語爲

贈短歌致之

君不見百川浩渺凡幾許。尾閭滔滔洩未
已。海若夷然不自多。河伯沾沾說其水。寧
知萬類總微塵。大地河山亦稊米。夫君才
高意蕭瑟。生來一具烟霞骨。只騎欵段謁
名山。耻逐錦裯揖貴客。揮霍千秋金。叵羅
低昂百氏銀。不律室中無粟。但懸釜。湖上
有田。盡種秫。錦心繡口雕龍手。鼠臂蟲肝

亦何有。已將大海等滄溟。何論雲夢吞八
九。竭來秋水名其齋。世事蒼茫一杯酒。壻
前咫尺渤澥寬。河伯見之且欲走。安得借
君高齋一榻眠。瞪眼模糊仰看天。眼前遣
盡區中緣。與君逍遙反自然。快讀窓間秋
水篇。

與友人過惠山寺尋唐入所謂小洞
穿斜竹重壻夾細莎處不可復得而

其詩自在膾炙千古余有感焉因作

短歌

君不見石家金谷鬪豪華。雕臺刻楯凌紫
霞。連雲步障今何在。快犢瑩蹄不復誇。又
不見鄧通佞幸勢赫奕。銅山峨峨千百尺。
西第高甍禾黍生。東門孤墳狐兔跡。滄海
桑田等閑事。爽鳩人民總非昔。九龍青青
石齒齒。繡圃琪園紛櫛比。誰其尤者金如

慰蕭條只取千金買懽樂，千金買咲幾時休。
日日懽娛日日愁，杜宇啼霜八月暮。蠅蛸織露五更頭，南山兔絲草，北山女蘿樹。
本是相因依，乖離却兩處。都由人事惡，非關華落去。人言還君明月珠，賤妾不敢猶踟躕。但願君心如白日，西沉又出東南隅。

乞巧行

金風蕭蕭剪羅箔，粉腿蓮房香氣薄。玉輪高罨桂宮寒，露重瑤城咽畫柝。重樓十二對天街，四壁連錢鬪月華。珠綴金鋪光脉脉，梧桐枝冷亂栖鴉。樓中兒女千金質，夜上妝臺施黛白。脩眉嬌靨自天成，膩雨油雲拋不得。妝成低頭拜天姆，摘菓焚香列瑯簾。不將玉指撥銀璫，自取金針貫織縷。雨霏霏兮雲撩擾，天姆不來焉得巧。霜封鴛瓦漏將殘，夢落鷄人月空曉。君不見牽

天倪齋詩 卷之三
牛與織女一會一經年。鵲飛銀漢斷鳳去。
玉機懸怪是天宮。尚苦拙。那能餘巧。施人
間。

飛來峰歌

我聞天竺國其山多神奇。日月不及照宮
闕。爲琉璃。世稱淨土與樂國。汝何舍此飛
入閻浮爲不聞。巨靈掌誰擅。愚公術祖龍
之鞭不到汝。鹿苑鷄山那拋得人。誰見汝

乘風便宕堯。忽墮湖之邊。金牕玉洞紛蟬
蟀。玫瑰作枕。瑤爲椽。萬奇中抽一線。穿拏
攫之勢。虬龍騫吐納。日月嘘雲烟。雲來日
上芝床眠。石乳墮地千尺懸。鳴泉戛石管
與絃。何物南洲乃有此。崑崙玄嶠曾不得
與汝並轡而周旋。我來扣名山。山靈額其
首。一吞沆瀣便五石。少食芝苓盡十斗。巖
中鷄犬欲爲家。洞口猿獼堪作友。徘徊顧

天伊齋詩 卷之三
十二
盼不忍去欲汝飛來墜吾手嗚呼汝非飛
不來亦非飛不去去住真如無所預不若
紅塵戀殺人幻海迷津莽飛絮

歌送沈休孺游燕

雲間沈生意寥廓翩翩却似雲間鶴雖然
身無七尺長攫雨拏雲太磅礴手持三寸
銀不律鐵爲門限時時剝賦就三都可復
陳詩成二雅今猶作生平慷慨四方志不

肯低頭在籬落蹠蹠春風白鼻騮迢迢秋
水青絲竿到處頻呼竹葉杯逢人脫贈蓮
花萼伊余抱膝梁溪頭君來躍馬披重裘
酒酣揮手別余去云上長安燕市之酒樓
長安酒樓高插天胡姬妝成倚玳筵金丸
挾彈佳公子玉勒探花美少年侯家邸第
連雲直戚里門庭傍日懸世人趨名若趨
市朝過金張暮許史誰能疆項耻折腰若

天倪齋詩
卷之三
三
個昂藏不顧插生也江南一韋布長揖公
卿若其素能將然諾重千金不以脂韋博
一顧有時掉舌談戎機衛霍當之不敢怒
非關意氣陵權豪直用才名聳當路才名
八斗何爲乎生也視之祇若無雕蟲一技
見眉睫毋乃沾沾小丈夫以茲燕市咸傾
心高車駟馬相招尋五侯結納如膠漆七
貴投交欲斷金而我破衲長齋繡佛前閉
門無事蒼苔眠故人若問生涯事老却英
雄但學禪

口占贈製燈人

漢時丁諛巧莫比蟠螭芙蓉合芳苾四照
蠅蟬落日中百枝婀娜春風裏玄膏長擬
燭龍啣紫焰都從刻鳳起爾今有巧却似
之截竹裁綃惟所爲能使清宵如晝永不
令茆屋得春遲而我拂衣遭軟軻讀書長

天倪齋詩 卷之三
借鄰家火得爾春光滿目生對酒燃燈無
不可

摩竭庵看飯僧

我觀諸比丘圓頂無宿髮袈裟蒙茸不蔽
體手持一瓶與一鉢偶逐東土綠善念西
方佛纔投寶刹問多羅旋上香厨候檀越
摩侯之菌給孤麥得食不辨是何物襯罷
仍將鳥雀呼施餘一任獼猴奪果腹經行

雙樹間其中徃徃能說法爾時觀者咸咨
嗟潮音沸天天雨花雖然蘭若不盈尺旃
檀彷彿牟尼家誰能普捨郗超米一粒便
化恒河沙

閭門行

金昌大道平於砥甲第旗亭相對起文窓
繡戶闔葳蕤刻檻雕櫺紛旒旆高門鼎族
誰第一顧陸之家尚堪齒五花玉勒如游

天佩齊詩卷之三
龍七寶香車若流水，道上相逢不相識。日
高絡繹紅塵裡，門懸珠璣值三千。市列金
錢類糠粃，九衢四達盛財雄。五都三川難
比擬，別有青樓向狹斜。曲房深巷鎖紅霞，
雲母屏前窺錦帳。水晶簾外透憲紗，小展
鸞箋圖蛺蝶。雙拖蟬翼抱琵琶，朝游公子
暮王孫。一一相逢欲斷魂，連枝比目那辭
好。白璧黃金未足論，黃金白璧豈不惜。可

憐得此傾城質，日日看花茂苑東。時時携
手長洲陌，金陵美酒十千錢。畫舫青絲一
百尺，不愁胥口雨飛來。只怕橫塘月欲黑，
月黑橫塘意未闌。高燒銀燭夜盤桓，歌翻
子夜朱唇溢。舞逐前溪錦袖寒，買咲劇來
長苦短。爲懽事盡又更端，憶昔夫差曾霸
吳。并吞越國到姑蘇，犀渠鶴膝家家有。浣
絲西施絕代無，自言歌舞長千載。自謂聲

名永不枯。誰知陵陸易遷改。曲池高臺難
久待。當時吳宮桃李春。館娃美人竟誰在。
區區造物定何心。惟取繁華留至今。請看
道上行歌者。猶是當年吳會吟。

放舟石湖歌

揚柳柔風進。桃花薄雨收。沿溪蕩蘭槳。擊
汰且夷猶。木蘭舟楫何纏屣。一幅輕綃挂
春水。酒鐺茶榼裝兩頭。中有佳人抱綠竹。

鳴橈伊軋破平蕪。遙浦魚兒吹浪起。行行
且泊湖之曲。湖波瀾瀾水空綠。上方臺殿
轟如雲。一一倒浸漣漪浴。卽看日月遞浮
沉。不少雲霞散綺縠。兩岸晴花綴淺沙。東
飛鴛鴦西屬玉。美人旣醉心綢繆。紅牙小
板調梁州。榜人佐之雙篋篋。林木振動水
不流。我忽不樂生煩憂。把盞大叫提吳鉤。
金銀王氣漠然盡。吳王雄圖曾在否。煙波

彷彿范蠡舟與君駕之汗漫游安能跼踏
攢眉老一丘

送金重珍游越中

金生生平好奇術玄夷玉簡都探畢手持
一束青囊篇去辨牛眠與馬鬣矧來冥搜
無不足古碑風雨摩崖讀千年異物經品
題罔兩啾啾山鬼哭好游不願倚庭柯石
帆秦望今經過茂先弘農何不可天下奇

跡只越多

國家圖書館, NATIONAL CENTRAL LIBRARY, TAIWAN, R.O.C.

天倪齋詩卷之四

梁溪鄒迪光彥吉父著

五言排律四首

自鄧尉山入楓橋舟中有述

芳雨濕香塵，高春出問津。
酒携醞醑美，衣著薜蘿新。
迤邐遵蒼坂，逡巡躡綠茵。
鈎雲窺窳窳，背日陟嶙峋。
麥隴連茶畹，山扉次水濱。
嘒枝鶯鼓舌，拂蓋柳舒顰。
苔滑從沾

屐花飛自染巾蠶蟲粟陸國鷄犬赫胥民
壤僻峰爲屏村虛寺作鄰停輿集穉子爭
路有樵人絡繹諸林迭參差列嶂陳膺肩
松歷歷。躡趾水粼粼。野老驅黃犢。游人躍
錦麟。力疲攀葛藟。足頓坐荆蓐。尚子遨遊
興相如。病渴身此時。聊自適。吾道總沉淪。

寄贈雲間袁履善

披美雲間秀。翩翩紫氣揚。斯人曾有幾。吾

年總無當。彥伯才何忝。山松躡可方。懷瑜
嘗事主。釋褐早爲郎。宦拙違時用。名高與
世妨。篋書生意茂。藜杖返柴桑。踪跡懷蒙
叟。栖遲似楚狂。鹿麋馴共友。鷗鳥狎能忘。
竹引談玄客。花迷問字航。尋山學邴尚。開
徑入求羊。賦出雄江左。書成重洛陽。登龍
人絡繹。附鳳日趨跲。興至題鸚鵡。家貧典
鷓鴣。求砂覓葛令。買藥問韓康。鶴髮三千

丈鸞書十二章仙厨餐綠雪世業啓青緗
遁跡丘園賁窮愁姓字香清風隔異地明
月見高梁問信雙魚杳懷人三泖長幾時
陪杖履同泛水雲鄉

過定慧禪寺已極荒落而虎跑泉自
在甃懋有作

棟宇前朝寺淒涼惜此游未曾經浩劫先
已似虔劉石礎花全泐珠椽葢半抽晨風

窟狐兔晝雨集鵲鷓金碧琳宮黯丹青
壁流負經無白馬聽法少慈牛破甃青楓
冷殘僧黃葉幽香雲依敗草寶月照荒丘
八部收金鎧諸天罷玉旂鉢隨龍化去泉
爲虎跑留潤比醍醐似清將甘露俸塵心
那可滌濁慮祗堪羞剔蘚尋殘碣倉皇月
一鈎

寓虎丘山房淫雨不絕與客飲酒酣

歌聊以送日賦得二十一韻

生平懷五嶽老至奉金仙。鷲鷲多栖托，袈
裝共結緣。茲游茂苑上，古寺闔閭邊。霸國
雄圖盡，空門勝蹟傳。魚腸今去矣，虎踞尚
依然。異石千人坐，龍宮萬戶連。浮屠巢白
鴿，絕壑吐青蓮。石椀燈長照，金繩路不遷。
投齋行脚侶，聽法點頭禪。化日偏多雨，當
春尚著綿。法雲欣漸被，慧曜苦難圓。煩惱

情猶在行游樂未便。且停金匱匣，斲擁玉
嬋娟。趺坐辭長老，酣歌逐少年。醉來燈燭
滅，擊去唾壺穿。驚座陳遵獨，恢諧曼倩先。
佳人疑帝子，妙樂似鈞天。聖諦原由俗，禪
機不廢權。聲聞乘實小，枯寂道非全。樂事
更端盡，香筵禮拜虔。未須堅酒戒，且辦買
山錢。



天倪齋詩卷之五

梁溪鄒迪光彥吉父著

五言律詩七十首

人日作

此日爲人日，今年異昔年。東吳無積貯，南國有烽煙。鮑照才垂盡，相如病不蠲。呼兒拍斗酒，一爲問高天。

其二

尚六
七
用



國家圖書館 NATIONAL CENTRAL LIBRARY, TAIWAN, R.O.C.

跡世曾何幾。蹉跎鬢又斑。老將投白社。貧未買青山。柳月尋帷入。梅風薦酒還。蕭然無俗絆。自取著書刪。

新年覽鏡

柳色青陽候。梅花白雪天。鳧鷖長作伴。犬馬又添年。失意書能著。無才官左遷。丹砂不可問。華髮豈徒然。

其二

潘岳早頭白。楊雄獨草玄。木雞吾自保。塞馬世誰全。卒歲疏花圃。逢春雜秫田。餘生皮骨在。未許俗人憐。

肺病

肺病柴門下。經旬髮不梳。梅寒白尚歛。柳長綠猶踈。元亮全止酒。虞卿半廢書。春畦多藥草。鷄肋未能鋤。

其二

長貧猶復病，身世屬艱難。
醵飲期多負，看花約屢寒。
人閑羅雀傲，書掩壁魚乾。
同調饒相憶，携琴就藥欄。

○登虎丘寺弔古

水犀軍敗後，惆悵此禪林。
礪落香環冷，池埋寶劍深。
野花香麋鹿跡，山木鷓鴣音。
亡國人誰問，空門客自尋。

遇寒山寺

官橋鄰寶刹，僧榻枕珠沙。
覆屋雲爲葉，窺簾雨作花。
香厨投鳥雀，古木挂袈裟。
雅得安禪意，停橈問法華。

花朝

穀日宛如昨，花晨又爾逢。
候晴紅漸孕，傍暖綠猶封。
踪跡漢陰叟，栖遲石戶農。
敢將多病骨，老對百花容。

花朝後一日月下進舟吳門將入靈

巖諸山

采春游未暇，又過百花朝。
月魄催金縷，星河度玉蕭。
言乘范蠡楫，去上伯通橋。
蠟屐原吾慣，山靈不待招。

入天平諸山一路行梅花樹下清芬
秘辭幽意絕，倒得鈞字春字。

躡屐乘春便探梅，入谷幽攢峰如列。
笏懸葛似垂鈞，葉玉山山巧飛瓊處處投。
清芬

行滿目恍惚到羅浮

其二

南風三五兩容裔，踏芳塵苔滑妨芒屨。
松低碍角巾，山當吳會勝。花學隴頭春，衣袂沾香玉。
行來似壁人。

飯一雲僧舍，有僧三空者。臘甚高能作世諦語。

空林瞻寶刹，覺路覓金繩。罇飴先供佛，醞

天竺寺詩
卷之五
四
酬後施僧梅花如杜嚕鶯語卽迦陵問法
憑誰衍令人想惠能

飯天池山房

香積午時鍾伊蒲竹下供池涵青薜荔石
繡紫芙蓉客借殘經讀魚將破衲縫落花
飛不盡應賴白雲封

其二

循松入古寺午襯飯香籠鼎饜殘草果

愚惹落英靈池天半匯寶刹雨中撐暫割
生公席聽鍾病骨輕

風雨泊舟婁門郭外

回首是長洲樓船錦纜收柳隨殘雨桂花
與亂虹流玉笛調歌咽瑤琴撥柱愁雙雙
白鷗鳥喜爾得相投

停橈崑山城下與客步至玉峰

名巖臨粉堞舍楫一登臨翠鑱芙蓉小青

天保齋詩 卷之五 五
涵薜荔深懸崖疑琬琰
峭壁自崎嶇不少
看山意仍多泣玉心

過瑞光寺甚古而傾圮殆盡

古刹前朝寺空林講席寒
經無白馬負碑
自赤烏刊佛座廳穿盡香厨
鳥啄殘吳宮
桃李在難作兩花看

開元寺

福地標形勝琳宮老歲年
浮來雙石佛布

去一金田呪水通香積
移山到梵天
百花洲上月長並法輪懸

雙塔廢寺

棟宇何年寺淒涼
畫壁空浮屠危限
日祇樹冷嘶風入社懷
高座逢僧問遠公
那知雍門淚亦洒法林中

霖雨後泛舟清溪泊西定橋六首

微風青雀舫過雨赤欄橋
樹影浮金椀溪

天倪齋詩 卷之五
聲帶玉簫樓臺承水面雲霧畫山腰澤國
吾能主羣鷗莫浪驕

其二

畫舫乘新漲委蛇向水濱
帆檣湖口市襖襖渡頭人
數客分朱杏飛刀繪紫鱗
香風蘋末起吹折白綸巾

其三

放櫂入青靄寒帷受紫霞
嬌歌傳水部長

嘯走汀沙灌木千門雨
津樓五月花有生
須酪酏無計問桑麻

其四

抱郭田疇沃沿溪雉蝶明
山將紅雨抹橋學白虹橫
蘿荔千家小漣漪一鏡平
漁舸輕片片都觸浪花行

其五

川長雲漠漠擊汰蕩清溟
羅幌靡蕪色衣

天保齋詩 卷之五
裳社若蓂酒。鑄時自洗。檀板不曾停。漸覺
烟嵐薄。前山露翠屏。

其六

何地逃秦俗。茲溪亦醉鄉。雲衣生錦纜。水
鏡照牙樯。作賦誇鸚鵡。調歌得鳳凰。還疑
投洛浦。邂逅解明璫。

送孫太學入白門應試

青絲白鼻騮。蹀躞踐紅霞。道上人投果。囊

中等吐花鍾。山冠蓋路虎。阜帝王家得意
金陵酒。酣歌拭劍華。

雨後涼生示友人

過雨芳塵歇。科頭野性諳。微風荷小競。涼
露竹初酣。簷溜沾書幌。苔衣上佛龕。客來
稽阮輩。不作世人談。

其二

久雨添新漲。衡門可繫槎。衝泥誰問字。積

天保齋言 卷之五
溜自澆花。山徑齊催筍。園林早熟瓜。清涼
生戶牖。遮莫是僧家。

偶患小瘡不能如戒去酒拈杯有作
松林頻伏枕轉覺百憂寬一閣諸峰抗重
門五月寒醉須令耳熱病不遣眉攢雨過
朝霞起科頭出竹看

游秦園

應門多鳥雀速客有筭管入洞先緣閣尋

溪別遶廊石疑翻翠袖花似妬紅妝地主
母勞問淹留便舉觴

○坐騷壇

曲檻窺芳甸雕臺抗翠微簷前銀漢落城
上錦帆歸和露傾瓊醕將風振恰衣莫教
清唱屢恐遏彩雲飛

復惠山寺小洞紀事

擎勝尋遺蹟題詩空昔賢重塔荒歲月古

天保齋詩卷之五
九
洞莽雲煙乍得愚公手開成小西天只今
逢盛世休說避秦年

七夕

乞巧頻逢節吾生拙自如未諳機上石且
曝腹中書瓜熟東陵種蓬深仲蔚居此時
雄劍在光射女牛墟

寄贈雲間顧隱君

結茆城市內不遣俗人聞土屋扃花鳥繩
床枕典墳啣杯三泖月着屐五茸雲老去
無餘事桺檀對佛焚

宋明之留余榆枋館者凡兩越月而
別去不勝愴然賦詩以送

不是同心者那能伴索居看山齊點筆選
石共攤書雲曳高人舄花牽上客裾行囊
多白雪莫怪食無魚

其二

天保齋詩 卷之五
因君置丘壑，余隱道爲尊。介子居綿上，龐公住鹿門。締交敦杵臼，話別宰鷄豚。送爾河橋夜，淒涼對月痕。

寓虎丘僧房五首

選地得精籃，偏于化日貪。石床鹿並卧，金像釋同參。乞食敲香積，分燈啓佛龕。巾裾長不著，一任點山嵐。

其二

晚節持僧律，長依開士家。林烟蕪梵色，山雨襍天花。鼠跡沿香氎，蟲絲裊壁紗。空門無一事實，宴坐作生涯。

其三

緣過游冶地，翻接法王輪。舞動蓮花影，歌搖寶樹塵。晴霞憎綺服，水月照佳人。空色原非二，因之悟性真。

其四

天保齋言 卷之五 二
不少探幽趣，還翻貝葉文。食能諳法喜，酒亦悟聲聞。僧病餐紅藥，人來叩白雲。六時禪誦後，對客漫書裙。

其五

平生玄度跡，多半在名山。午食祥鳥下，昏鐘善虎還。香環沉寶域，劍影落禪關。分得維摩榻，齋心卧竹間。

示大音上人

猊座身能繞，琅函手自披。幢風亂紅藥，塔月鑑清墀。簫鼓諸天沸，香車盡日移。尋游得三昧，此意道林知。

虎丘寺有沙彌者，初號定宇，語大不類。渠師大音請于余，更之爲覺海，而系以詩。

塵踪何處是，幻海正茫茫。五濁人皆溺，三乘教復荒。迷時失彼岸，覺後得津梁。儻解

天保齊詩 卷之五
浮杯意沙彌亦法王

四君詩

孟嘗君

眇小齊公子英風邁等倫
鷄鳴客赴難狐白計逃秦
六萬薛中戶三千門下人
馮權骨旣朽肝膽向誰陳

信陵君

列辟皆親士誰多巖穴情
停車問朱亥執

轡禮侯嬴義振三秦卒威收六國兵
英魂今俎豆高塚大梁城

平原君

濁世諸公子翩翩第一流
難違躋者意不惜美人頭
毛遂盟初散馮亭計漸投
長平四十萬白骨倩誰收

春申君

下士推黃歇芳名代可誇
脂車門若市珠

履客如麻楚業隨流水吳封嘯野花朱英
謀坐失遺論爲君嗟

登煙雨樓四首

樓閣宛中央芳湖進艇長非烟仍黯淡不
雨自微茫粉堞青楓冷朱門白蓼香短衣
雙蠟屐一任阮生狂

其二

錦席憑虛挂牙檣結伴游涼風生遠溆水

月在高樓萬井堆黃葉孤城住白鷗菱荷
香氣薄猶逐晚颺投

其三

言乘青雀舫乍理白綸巾繡棟搖歌扇璇
題見舞人湖波疑轉盼汀樹遠含顰一榻
殘僧在憑誰演法輪

其四

舊是山公地余曾備兵嘉湖間今仍載酒行松篁

天佩齋詩 卷之五
當翠屏花萼擁瑤城。水國雲衣冷香臺。月
魄生溪鷗如有約。齊向渡頭逃。

月夜泊塘招道中

玉露兼涼月。金風與暮烟。歸人橋外火。喚
客渡頭船。越管誰相弄。吳歌轉自妍。鷓鴣
裘正好。換得酒如泉。

其二

天淨水平鋪。蘭舟錦纜扶。清歌越女調。綠
幘酒家胡。棲鷺驚檀板。潛虬傍玉壺。不知
更漏盡。涼月落菰蒲。

繫纜塘栖有一鄰舟者客甚豪舉清
歌不絕余命侍兒和之彼此相角不
通姓氏不覺申旦

誰倚沙棠楫。猖狂狎叵羅。吳山如有約。越
水却同過。曲譜更端盡。歌喉較量多。秦青
若個是。落木柰君何。

天保齋言 卷之五
寓昭慶寺僧房二首

淵明纔入社，蘇晉本逃禪。
倚醉菩提樹，高歌薜蘿煙。
雁王供午襯，鹿子狎宵眠。
吾意曾無着，阿闍在目前。

其二

携策探名域，投僧宿淨林。
天衣拂石久，貝葉積床深。
庭草無生忍，巖雲不住心。
湖波清夜起，長作海潮音。

泛舟西湖四首

輕舸弄夕霞，秋色淨蕪葭。
布帽披雲葉，荷衣濺水花。
相逢饒粉黛，並載有袈裟。
矚景多餘戀，時時繫碧沙。

其二

橈輕移淨浪，綃薄領微風。
人與蘋花淡，樽隨楓葉紅。
香車葛嶺畔，玉筴斷橋東。
竟日綠堤轉，琳宮觸處逢。

天保齋詩 卷之五
其
其三

舟度芙蓉末。杯行荻葦邊。碧連三竺路。青
抹兩高天。水堞陰銜日。花宮淨吐烟。麝蘭
香不斷。隔岸美人船。

其四

委蛇巡薜荔。撥捉刺漣漪。杯寫汀花醉。歌
傳渚鷺知。嵐光流翡翠。烟色澹琉璃。未挽
青絲竿。先歆白接罹。

法相寺有長耳和尚示化今其法體
尚在

何處詢靈域。山空不見人。松門關紫翠。石
磴閣嶙峋。遠近聞仙籟。瞻依有法身。坐來
心似洗。黃葉隔紅塵。

勝果寺

樾密蒸衣潤。崖深薦屐遲。湖山爲寶座。江
水是楊枝。金像遙空立。香宮亂石支。客來

天佛齋詩 卷之五
偏戀勝僧住不知奇

龍井寺是葛仙煉丹處

偶成居士服兼挂道人瓢井冽真堪漱龍
歸誰爲招清冷鳴寶鐸空翠濕香寮玉局
仙何在臨風意寂寥

送南平開士自揚州還蜀中

嬾跨揚州鶴歸栽沃頂蓮
媚山披雪坐劍閣抱雲眠
破衲經千補行囊無一錢
支公

有玄論須爲許詢傳

除夕詠懷四首

白髮度流年門庭綵勝懸
知非今五十閱世且三千
老大爲時賤長貧豈俗憐
窮通吾意定不敢問皇天

其二

老去心猶在窮愁鬢欲斑
投人無白璧供客有青山
藥盡長思買書成半未刪
牢騷

天保齋詩 卷之五
何所事放月到禪關

其三

蘿幌梅輸素。茅齋燭薦紅。人誰存老馬。吾已罷雕蟲。懷壁成何罪。吹竽但不工。惟應如向子。身老白雲中。

其四

婆娑裝栢葉。次第具椒盤。此日真難得。餘生強自寬。齋心惟佞佛。努力且加餐。亦有

攢眉事罇中。琥珀乾。

人日偕友人入惠山寺

佛日如人日。逢僧與結跏。玉梅微吐萼。金柳半含芽。僊梵和紅霧。人衣帶紫霞。清鐘聲不斷。何處演三年。

其二

閉戶曾無侶。看山恰有羣。人天日自在。聖俗諦何分。竹下頻窺鳥。松間亂踏雲。笙歌

魚磬續一併逐清氛。

穀日晴和不覺意快與陳性甫諸君
步入南禪寺

卽看穀日好不怕秫田荒喜甚憑藜杖香
空卧石床浮屠七寶飾法座百花粧逢著
山僧語倉忙度夕陽

于城南步至綠蘿庵

松扉青刺目蘿徑綠沾裳獨策邛枝短俱
移蠟屐香觀疇欣負卦遵渚欲浮觴徙倚
無人境春陰轉自長

天倪齋詩卷之六

梁溪鄒迪光彥吉父著

五言律詩五十四首

客有勸予盡劖生平所著書者詩以
應之

道惟先我貴名豈在人聞自管工鉛槧于
今薄典墳草玄猶是白身隱不須文欲把
咸陽火都將副墨焚

春陰始霽懷拍拍然有作示友人

紫陌春陰散芳郊淑景移銀冰全解片金
柳漸垂絲酤酒錢須辦探花客預期那能
一室內兀兀坐支頤

泊舟閭門夜雨酒闌示宋明之

靈曦頻犯翠香雨驟隨箕揀管笙長咽沾
簾席屢移吳宮花影暗茂苑角聲悲倚楫
殊無賴惟應倒接羅

將入西山觀梅爲雨所阻

未少何郎意探梅屐屢移清溪迷畫艇綠
雨失花期吳會今誰是羅浮有所思一聲
川上笛牢落不勝悲

陌上觀游妓二首

紫霧收鶯陌紅裙作雁行迴璫齊動玉舉
袖各生香柳與爭濃黛花將妬靚粧撩人
心未已欲立更旁皇

其二

滿路錦糝糊名妹出國都雙蛾因客歛一
咲倩人扶薄髮嫌釵重羞容厭粉塗行歌
聲斷續多半是吳趨

過摩竭庵聽如公講楞嚴經

不作毘邪觀高談貝葉篇無言成妙契有
說亦真詮乾闥傳天樂波旬護佛筵宰官
來聽法香象舞簷前

其二

蘭若不盈尺能開說法場簷雲窺幻影階
樹發空香塵尾金輪動津頭寶杵長此時
煩惱客心地得清涼

摩竭庵聽經後往保安寺尋僧行罔
不遇

聽講辭支遁安禪問惠能金繩空界道錫
杖不逢僧破壁扃雙樹深房闕一燈迦陵

若解語應報客來曾

清明卽事

紫陌纔收雨芳辰始見春楮錢原上路壺
榼渡頭人委砌梅茵厚窺簷雀乳頻松厨
新火熱野饌爲君陳

入惠山寺看玉蘭

振屨遵芳隰扶藜踐野葩輕壺提綠蟻單
恰剪青霞日化雲俱適林空木不譁瓊英

千萬片疑是謝公家

其二

素質誰堪並欣同寶樹看飛瓊禪座下浮
玉法雲端月殿僧歸早香臺鹿卧安攀條
何所贈持此報金蘭

入寺後同宋明之黃友上游秦氏園
亭主人延入內館不果赴

繡苑隔珠林來因禮佛尋花鈿鏤絳玉柳

天保... 卷之...
釧絡黃金。飛閣裁雲得。迴欄鑿溜深。母勞
地主問。山水是知音。

其二

嬾慢稽中散。丹青顧凱之。宋善繪事我來携二
妙。金谷共栖遲。畫嶂排離館。疏泉赴曲池。
天風吹宿酒。短笠任君欹。

春日郊行二首

珠塍山郭外。玉笋壩橋西。振袂穿花亂。携

壺出。柳迷白雲看。似絮翠蘚踏。成泥田父
行。相引尋僧度。別谿

其二

芳堤小雨過。香薄亂花穠。陌燕巢晨幕。山
鷄報午春。青驄金匱匝。翠曆玉芙蓉。莫怪
春游競韶華。不易逢。

亡母四十餘年始得卜兆。清明日展
墓。哀感有作

天佩雜言卷之六
五
六齡違母氏爲孝媿王祥此日陳鷄黍臨
風薦酒漿地因牛卧得土亦鳥啣將四十
年前淚重來灑白楊

名區兄與余爲隣有年今遷於邑之
城東隅賦詩以送得二首

四載爲隣久交情爾汝深如何去西市又
復向東林行李含光劍知音太始琴莫教
多種竹贏得子猷尋

其二

喬枝豈不好擇木又誰栖鷄犬驅將去妻
孥手自携厨分佛院火壁借燕巢泥知有
登龍客曾無鳳字題

春閨四首

香霧籠朱閣游絲網碧紗冰綃圖蛺蝶玉
腕抱琵琶價比連城重姿將傾國誇侍兒
來報道夜雨濕桃花

其二

不信春光到飛花亂攪人薰香出寢閣結
伴上平津杏瓣蜂捎盡梅梁鶯語頻高樓
空倚望夫壻隔西秦

其三

一種傾城色諸姑定不如能題長信扇兼
著大家書貼額蕊鈿細安眉柳葉舒使君
若見問夫壻上三層

其四

百轉鶯聲碎三眠柳葉黃錦文新製字蘓
合暗炷香嬾啓葳蕤鑰閒凭宛轉廊怪他
梁上鶯來去語雙雙

寓虎丘僧房苦雨

法雨爲淫雨諸天是漏天降龍晨起鉢慈
鴿午棲簷洗藥儲懸溜防花障亂泉葛巾
苔半蝕陶令且高眠

其二

宰官能佞佛，白社每爲家。誰灑楊枝水，來
霑蔭葡花。曇雲飛不去，慧日慘無華。怪是
春衣薄，寒氣入寶紗。

其三

偶移謝傅屐，一宿遠公房。倚樹來聽法，看
山得坐忘。嵐生棟蓋暗，土蝕礎花香。錫杖
從僧借，難携至上方。

其四

春陰不可破，簷溜日淋漓。劍壑魚腸冷，香
臺虎跡移。綠苔蒸筍處，紫霧幕梁思。誰是
降魔力，能來退雨師。

贈原公檢藏虎丘寺

宿德今誰是，惟君若惠能。降心無半偈，閱
教有三乘。貝葉多羅字，蓮花不夜燈。冥搜
應得力，彼岸可先登。

天保齋詩卷之八
周似虞初度有贈周業岐黃家
羨爾琴川曲幽栖伴鹿羣隱能如桂父術
亦似桐君杏圃千年樹芝田五色雲青牛
莫易駕踪跡使人聞

游支硎山四首

藜筇依柳進芒屨踏花行日向空王永風
來少女輕鷺空當水際綺席與雲平坐倚
菩提樹諸天拱化城

其二

村煖噓紅霧山空放白雲瀑泉童戲引石
磴客平分葱蒨廉纖墮清音斷續闢某教
歸騎促最勝在斜曛

其三

雲歸迷去壑葉隙見前村列嶠平爲路攢
峰闢作門流杯出澗底挈榼傍松根玉勒
紛無數都從翠靄屯

其四

籃輿低入樾，皂帽薄沾花。與客爭樵路，尋僧問佛家。錦韉時度石，羅靴亦鈞霞。山態俄遷徙，知因日半斜。

雨後尋原明庵

荒途沾亂瀑，斷岸續垂藤。空宇蒼鳩占，香臺紫霧承。門依慧草進，客借法筵憑。何處堪玄論，相逢盡酒僧。

過治平寺雲岫和尚山房

何處生公院，桃花引獨尋。逕從山靄合，門對石湖深。馴鹿行松下，靈禽語竹陰。三車且莫論，茶椀得吾心。

其二

古刹懸湖畔，真堪道者居。香厨流水淨，寶月帶沙虛。鷗鳥栖僧榻，魚兒覩梵書。蓮菡伏臘久，定力已何如。

游大石山

巨靈何事者鑿石表三吳地割煙霞境天
分日月都斷巖雕檻接飛磴曲欄扶長嘯
松風下羣山若可呼

其二

綦途不可問隱隱得鐘聲石面排靈窟山
腰束化城禪扉偷地隙複道削雲平倦倚
長松坐襟裾紫雲坐

下大石後入舟尋步至陽山麓覓徐

氏莊居

餘勇猶堪賈扶童踏亂雲樵人容借路野
犢許爲羣側徑因山轉重泉出峽分憑高
四望合天際有松筠

其二

長薄亂花穠扶携信短筇板橋橫紫翠石
閣鎖芙蓉披樾疑無路鈎雲別有峰飛泉

聽不竭絲竹若爲供

幽居十首

陶公方解綬潘令且閒居
欹枕來啼鳥翻書走蠹魚
交游俱傖父封壤亦華胥
一壑真堪長蕭然不願餘

其二

闐闐雖云近塵囂絕不聞
赫香就華月把酒擘高雲
世事惟軒冕吾徒獨典墳
夢中

江令筆五色自氤氳

其三

秣苑名爭借祇林姓亦登
論詩追二雅說法盡三乘
花事詢園叟禪機扣寺僧
不嫌身佞佛用世已無能

其四

未得羈龍性還來伴鹿羣
檻花滋過雨水竹淨流雲
醉舞青萍劍閒揮白練裙
草玄

天俟齋詩卷之六
長自秘身隱不須文

其五

井稅粗能辦生涯稍自周古書兒解讀斗
酒婦堪謀綠柳陶潛宅青山謝眺樓披帷
長聞寂踪跡媿時流

其六

新筍高於竹殘花委似苔穀雲張錦石壁
月駐層臺客有攀龍至門無題鳳來途窮

能自保樗櫟本非材

其七

繡閣黃緣入朱欄宛轉攀檐端浮綠水城
角露青山難字人來問羣書手自刪墻東
栖隱處長滿落花斑

其八

放逐成吾志端居賦考槃手揮松尾塵頭
着竹皮冠二頃寧嫌薄雙眉未肯攢紛紛

眼

天保齋詩卷之六
同宦者躍馬尚長安

其九

寂寞蔣生逕蓬蒿仲蔚家鶯啼頻選樹蝶
舞欲捎花舊業千竿竹新畦五色瓜日高
長未起枕畔有烟霞

其十

步武不盈畝樓臺屢錯經長陪松影立獨
覓竹聲聽酒至須浮白書成付刷青牢騷

吾自得肯遣髮星星

苦雨四首

桑陰日日雨蠶事已多違蕪復妨禾黍惟
堪長蕨薇暗泉流入戶積蘚上蒸衣咫尺
鄰家叟相過跡亦稀

其二

西墅雲長滿東臯雨不收新蒲喧乳鴨疲
柳暗藏鳩誰復携樽過真難着屐游朝來

天保齋詩 卷之六
溪水澗舉網得艇頭

其三

蕭蕭楊子宅風雨日侵籬
麥隴輸租少茶溪出稅遲
苔衣長滿座屋溜漸爲池
不獨悲飄泊還愁飽亂離

其四

紅霧時時起蒼烟處處橫
頽垣將築板漏室屢添荆
夏雨瓜難熟春陰草易生
門前太湖水漸與石床平



倪齋詩卷之七

梁溪鄒迪光彥吉父著

七言律詩三十首

丁酉元日作用唐初體

玉燭換律初陽動翠籥飛灰淑景饒十里
笙歌薰碧落萬家燎火徹清霄條風大地
膠冰折瑞日中天積雪消草莽微臣逢道
泰年年稽首頌唐堯



游魚啖花影和安小范作

錦鬣朱鱗簇簇浮。窺香弄影白蘋洲。波間
倒葢疑投餌。水面橫枝認作鈎。化蝶欲拖
殘翠濕。爲蜂難曳亂紅流。桃花嚼盡空成
浪。只合尋常濠上游。

正月十五夜鴻寶堂與諸友觀燈得

春字圓字城字

子夜晴飛太乙煙。華堂甲帳爲君懸。九微

枝合金繩動百炬。光同寶月圓。綠蟻似從
火底泛。朱簾齊向霧中褰。莫將玉筵慙
奏驚落梅花入綺筵。

其二

考鍾伐鼓夜留賓。半是高歌擊筑人。紫霧
籠葱席自煖。朱煙繚繞座皆春。香生衣袂
沉檀厚。杯映蘭缸琥珀新。銀鑰莫愁城鎖
合銅龍。只怕漏聲頻。

其三

參差火樹望中明。閒館今爲不夜城。歷歷珠星排繡闥。層層壁月挂雕甍。鰲峰擎出三千丈。龍筴時吹一兩聲。花底傳籌人語亂。宛疑身世在瑤京。

鄧尉山房投宿

青驄匝匝留丹嶂。白袷飄飄宿紫雲。入竹逢僧烟外語。隔花鳴磬月中聞。分將法酒

臨湖瀉。乞取名香對佛燃。更是落梅當夜半。每依仙梵共氤氳。

其二

落日停鑣入翠微。松風爲解薜蘿衣。投齋客到梅檀晚。乞食僧歸蘭若稀。竹色將雲栖畫閣。湖光啣月上朱扉。中宵分得維摩榻。斲以塵心悟息機。

月下楓橋泊舟呈黃吳陳諸君

水淥沙明草樹稠。官橋載酒木蘭舟。卽看
野外梅如雪。更喜春深月似秋。靜拭瑤琴
彈出塞。低敲檀板按梁州。樽前從客多文
雅。擗管篝燈各紀游。

過故舅氏司馬王元美公小祇園有

感

絕代賢豪不可攀。獨留金谷在塵寰。水分
渤澥爲靈沼。石割崑崙作小山。魚鳥殫人

行自媚。鹿麋狎客坐。忘還林泉無恙公。何
處剩蘚殘葩。盡淚斑。

其二

綠野堂開大海濱。風流江左代稱君。移山
真似愚公巧。抱甃曾如漢叟勤。玉洞谿訝
深貯日。瑀臺巖嘖曲。巢雲不堪又聽鄰。人
笛滿目松楸慘落曛。

詠病美人

春風憔悴倚朱樓。雲雨高唐意，總休。翠靨凋殘，金雀冷。玉顏狼藉，鏡鸞收。腰肢似柳三眠重，眉黛如山八字愁。最是象床魂夢短，怪他百舌五更頭。

午後散步姑蘇城南入暮乃返

春晴茂苑草萋萋，著屐城南策短藜。粉堞山光青入市，朱門柳色碧臨溪。踉蹌投社雲驚散，剝啄尋僧鳥亂啼。絕愛館娃宮畔月，照人行過鵲橋西。

何茂倩自廣陵過訪酒間有贈

詞客維揚下短檝，風流何遜是君家。談天未有鄒生舌，搥筆長飛江令花。弱不勝衣裁薜荔，貧能着屐弄烟霞。山厨無可供浮白，爲摘園中五色瓜。

送安茂卿應試北上

東書一卷出河關，志在題橋駟馬還。仗劍

獨窮飛鳥道，輕衣薄染落花斑。
名逢狗監應須薦，士望龍門盡欲攀。
此去毋勞愁桂玉，黃金臺畔積如山。

早夏閒居詠懷四首

長日陰陰水竹居，清時吾自喜。
赫魚滄洲機息鷗能下，白板門深草不除。
阮氏生憑雙蠟屐，惠施家富五車書。
窮途潦倒雄心盡，搖筆猶堪賦子虛。

其二

妾巷莓苔長綠痕，城隅真不異深村。
庭荷欲老堪裁服，隣樹移陰漸蔽門。
已向窮愁窺世態，還於高枕荷君恩。
客來盡是持螯手，未暑先開河朔樽。

其三

日午花陰上酒巾，喜從解組得閒身。
白雲長護藏書閣，綠雨能留問字人。
老至時名

猶未減病於藥物轉相親尋常不學逃秦者丘壑吾生意獨真

其四

華門五柳隔山青一炷空香晝夢醒花下自將銀不律佛前閒寫貝多經雕蟲小技誰工拙腐鼠餘榮付杳冥破衲長飄無不可卽看大塊亦浮萍

五茸張生爲余寫小影肖甚舉杯絕

倒不覺成句

一官踪跡但支離解綬歸來問紫芝丘壑身存堪自置麒麟業在未須爲德機余杜如壺子阿睹君窺似凱之對影遽然忽大咲啣杯不覺葛巾欹

其二

避俗深栖傍五湖婆婆欲作老頭陀色身獨向菩提住野服猶嫌薜荔多土木形骸

天倪齋詩 卷之七
長自若芝蘭風格近如何丹青周昉君堪
繼與醉松間金叵羅

宋明之抱虎頭絕技而兼知韻語頃
從雲間來訪予梁鴻溪上有贈

誰移蠟屐破荆綦慷慨投交意氣真染就
青葱山欲響歌成白雪座皆春虎頭妙技
偏能擅龍性平生未易馴老去世途無賴
甚對君疑是出風塵

送華公兼茂才應試入白門

送君舟漾大江風綠酒華筵琥珀紅道上
軒車人似璧腰間寶劍氣如虹花深鍾阜
藏遺舄柳暗長干鎖舊宮想到河東賦成
後公卿遙認五花驄

夏夜坐簷蔔軒有懷王百穀

溷婆五柳傍柴荆盡日曾無剝啄聲竹下
緇經當月出花間跌坐對雲生丹鉛久置

情猶在婚嫁，雖多意亦輕。却憶文園著書客，名山藏後復何評。

頗聞海上之警于佞佛齋作

倦游誰復似相如，綠鬢紅顏返敝廬。天壤儘能容棄物，人生何必曳長裾。一溪水月當禪座，四壁琅玕對著書。聞說乾坤多寇盜，無材喜得傍巖居。

夏夜鬯閣集客

小結林居一畝寬，進賢擲去鷓鴣爲冠。逢人剝啄羣麋聽，對客清言萬木寒。絳蠟膏殘月正午，朱樓簾捲露初團。繁絃急管君須醉，莫負金罇卜夜懽。

看客夜奕

酒闌燭換罷鳴笙，有客圍碁坐兩楹。誰似袁羗無論易，可如費禕更談兵。敲殘玉館千門月，落盡銀壺一夜聲。若使斧柯容易

爛將於此道悟無生

○新秋日暮進舟五里湖至石塘口

湖陰千頃晝冥冥。迴合諸峰列翠屏。雲樹
競邀青雀舫。水花齊綴白鷗汀。津頭日落
芙蓉暗。浦口人歸杜若馨。長蘧短簫吹不
住。啣杯莫怕酒如涇。

○其二

木蘭一葉晚風輕。的的乘槎上太清。極浦

雲從金縷駐中流。月爲洞簫明忘機。沙鳥
窺人面。出水潛虬傍酒鐺。醉去不禁飛動
意。欲將長嘯答波聲。

其三

落日清秋亂鷓鴣。陰谿進艇路長迷。樓船
人向汀洲暮。簫鼓聲傳水市西。錦鏡只憑
堤柳繫。牙檣無柰浦橋低。百壺蕩槩能相
送。爛醉揮毫掃白霓。

其四

蕙葭十里水融融鼓楫滄洲一葦風湖月
照人清似洗渚雲當座碧如空迷離燈火
魚梁外歷落炊烟灌木中極目河山無限
意舟居便欲擬張融

天倪齋詩卷之七 終

天倪齋詩卷之八

梁溪鄒迪光彥吉父著

七言律詩二十七首

邊郡伯報政

紫蓋朱旛擁畫羅。股肱爲郡屬明時。
花間聽訟青山出。月下行春白鹿隨。
教比文翁令俗化。清如胡質畏人知。
黃金鵲印尋常事。肯使勲名負鼎彝。

天保齋詩 卷之八
王山人太古故新都人也。僦居梁溪者十餘年。頃復徙而之廣陵。爲詩一

章送別

鷄犬相携一棹輕。梁溪卜築又蕪城。人如何遜尋梅去。濤爲枚乘作賦生。十載青山留得住。三秋黃葉送將行。知君不少并州意。愁倚瓊花對月明。

中秋十五夜游惠山寺月色微明而

意興頗劇得筆字

青厓高頂出朱薨。手策盧敖杖自行。處處平林成伎館。時時仙梵合銀箏。雲因度曲飛皆駐。月爲當筵乍一明。但把清樽傾湛露。寧論殘角下層城。

寄懷屠長卿讀禮四明山中

從他世路有含沙。羨爾青門獨種瓜。泉畔白楊俱是淚。夢中彩筆盡生花。探竒儻策

天保齋詩 卷之八
盧敖杖采藥應尋勾漏砂。放櫂山陰殊未
得時時搔首赤城赧。

贈南平開士

西蜀高僧出世氛。折蘆來向大江濱。芒鞋
尚帶峨眉雪。破衲猶懸劍閣雲。六慾根消
長見道。五通神在更能文。湯休妙句今多
少。願與三車次第聞。

娑羅閣雙桂樹盛放

窮居門戶長蒿萊。乞得淮南青桂栽。閣擁
娑羅成淨土。花飄金粟是如來。空香習習
生禪榻。慧影蕭蕭伴石苔。若使月娥天上
到。好依雙樹共徘徊。

過石門鎮示同行諸君

井堞如雲帶碧湖。畫船玉筴坐冰壺。秋深
樹冷胭脂落水淥。花明粉黛鋪市婦唱歌。
俱越調土人方語。半吳趨牙檣亂逐飛鳧。

去贏得人將李郭呼

步六橋堤

綠帽單衫紫葛巾長堤容裔踏芳塵清風
彷彿林居士綠柳依稀白舍人花擁樓臺
齊轉盼峰高南北盡舒輦誰移羅襪蘭舟
去隔渚秋波似洛神

其二

鳳管鶯笙處處頻深秋曾不異陽春玉浮

四面清衣袂翠落諸峰撲酒巾挾射金丸
多貴客凝粧寶曆有佳人相逢白足同歸
路指點琳宮月色新

拜岳武穆墓

歎息勤王赴戰時金牌十二詔班師艱危
將相偏多隙花石君臣總未思南國漸爲
胡土地中原不復宋旌旗可憐報主心長
在墓木曾無向北枝

肖於

登宋御校場有感

魚麗昔傍兩高山，想像龍旂未可攀。
天子自乘細柳騎，越人空望玉門關。
一時組甲驅能戰，二帝珠旒去不還。
壁壘化爲游樂苑，香車寶馬日班班。

飯三茆宮

星宮月闕俯巔岼，宛轉徐攀百尺欄。
天酒醉鋪黃葉卧，胡麻炊和白雲餐。
武林城傍

真人席羅刹江園，太乙壇鳳管鸞簫吹不
住。翠微高處擁僊官。

秋日送呂學博之蜀李官

青氈擲去躍青駝，踏徧黃花聽落楓。
劍閣層雲蟠鳥道，峨眉古雪冷蠶叢。
諸邊賓旅輸將急，夾路巴人拜舞同。
莫以鷹揚工博擊，還期化蜀似文翁。

送毘陵令桑君入覲

天佩齊詩 卷之八 五
蕭蕭一騎指幽燕。碣石梅花照錦鞵。萬里
奚囊迷積雪。五更鳴珮想朝天。凌空去逐
王喬舄。向月行調單父絃。知是夕郎虛左
待。可無尺疏計安邊。

贈陳伯箕七十

脫却儒衫挂鹿裘。忘機只自對沙鷗。長溪
月滿尋僧出古陌。花明載筆游石鼎。蒼烟
炊綠雪。關門紫氣望青牛。玄風隱德君能
擅。不獨當時有太丘。

贈吳隱君六十

皓齒丹顏髮滿頭。漢陰機息老無憂。能將
城市爲山郭。善以公卿作海鷗。婚嫁粗完
惟蠟屐。世情不繫一虛舟。安期近授長生
訣。只少乘風到十洲。

人日張燈集客辛夷榭

選伎徵歌興未央。新春來逐少年場。落梅

天佩齊詩卷之八
似絮粧瓊閣。殘月隨燈結。畫梁縹緲欲聞
僊子笛。氤氳不斷。令公香百年。人日曾有
幾。且倒芳罇卜夜長。

其二

閱盡韶華鬢欲絲。東山謝傅已多時。風吹
蘭氣薰人面。月引梅花浸酒卮。上客自誇
鸚鵡賦。侍兒齊唱鷓鴣詞。莫言此日人俱
得。結俠要懽似我私。

送王季良鴻臚北上

春堤話別少離愁。躍馬長安總壯游。典客
爾能甘薄宦。司儀官不是懸疣。披衣夜起
趨三殿。執玉天明引列侯。燕市陸沉真吏
隱。緣知忘却老菟裘。

入虎丘山寺尋梅花二首

諸天雲盡暮飛霞。萬壑千溪佛子家。曳履
深林來候鹿。聽經斜日到啼鴉。空香細細

依仙梵瘦影毵毵弄月華疑是雪山携錫
過每從開士問三花

其二

琴囊茶椀自相將落日尋梅意轉長飛逐
天花無色相開從水月但蒼茫峰非姑射
時時雪地比羅浮樹樹香此夜烏栖頻度
曲不因玉笛漫沾裳

雨後虎丘寺夜半見月

角巾藜杖薜蘿裳短屐泥沾雨後香寶鐸
和歌當翠管緇衣巡酒作紅粧月懸雙樹
寒如洗人在諸天夜正長欲覓魚腸何處
是劍池星斗鬱蒼茫

春寒雨雪辱楊承琰見過

卧病春寒白髮侵忽煩同調舊相尋不因
看竹披雲入且爲談經坐夜深雨雪故人
虛問信陰晴花事亦關心濁醪糲飯毋嫌

天保齋詩 卷之八
薄把臂于君擬斷金

寒食對客

宦拙歸來賦考槃清風林下竹皮冠梅花
雨歇春初暖榆火烟消食斝寒蓮社老爲
居士長秫田耕傍太湖寬時危兵甲紛紜
起百罰深杯且自乾

送順公游五臺

每從震旦破迷方雲水孤踪去渺茫長路

獨嘶支遁馬經年深鑱贊公房五臺原出
諸天上。一衲應披六月霜禮罷文殊遠振
錫更於何處說津梁

贈溧陽諸生宋獻孺

何來年少美清揚舉體芳蘭齒頰香道上
花驄方汗血匣中蓮鍔正含霜詩成白雪
真難和身逐緇衣也不妨顧我文園長病
渴輸君赤幟在詞場

送吳執夫游廣陵

紫陌春深柳乍眠。采真人泛麥秋天。邗溝
月出催蘭漿。瓊樹花明照錦鞵。枚叔觀濤
應有賦。稽康絕調定誰傳。維揚自昔多才
子。盡向龍門望執鞭。

天倪齋詩卷之八 終



國家圖書館, NATIONAL CENTRAL LIBRARY, TAIWAN, R.O.C.

天倪齋詩卷之九

梁溪鄒迪光彥吉父著

六言絕句七首

卜居虎丘詩六首贈新都蘇爾宣

結屋向臨瀨浦移家今傍橫塘爲問千人
坐石何如三天子鄣

其二

朝見姑蘇麋鹿夕聞吳苑鷓鴣未必臨邛

天倪齋詩 卷之九
四壁儘似長房一壺

其三

生公石將支枕真娘墓是對門自詠自鴈
足樂一丘一壑爲尊

其四

檻外酒鎚茶灶囊中漢璽秦章貴客盡聞
名姓鄰人或咲行藏

其五

緝衡不如季子宛轉頗似模稜此日一椽
爲蓋他年五嶽擔簦

其六

歌枕但聞山鳥出門便有酒爐妻解齊眉
而食子能服彩以娛

大音上人手摘新茶煮泉以獻余嘉
其意爲賦六言

老僧僂伽讀罷手持一卷茶經獨向春深

自摘能於雨後生，馨焙取松枝。
皺綠烹來竹葉浮，青玉椀窓前一吸。
人間俗慮都醒，
五言絕句二首

詠庭中玉蘭

不從沅澧來，却帶瀟湘月。
曾無色相窺，祇是芳香發。

其二

誰謂澤蘭好幽芳，世所珍惟君能比德可。


以贈佳人

天保齋詩

卷之九

天保齋詩卷之九終

國家圖書館, NATIONAL CENTRAL LIBRARY, TAIWAN, R.O.C.



天倪齋詩卷之十

梁溪鄒迪光彥吉父著

七言絕句三十首

病後入山尋梅花四首

山風吹動薜蘿裳，扶病看花蠟屐香。莫怪尋常無絲筆，風情今不似何郎。

其二

婆娑長日禮瞿曇，爲愛梅花病後探。消渴

相如今日解不須携策問蘇耽

其三

二月江南早放春與君纔見一枝新驛中
信使知多少嬾去慙慙折贈人

其四

扶病春深鬢欲絲羅浮嶺下最相思誰人
更奏參差曲却似江城五月時

與客過荒圃

得賦歸田鬢未蒼鑑湖一曲荷君在
但能解綬如彭澤何必爲園似辟疆

其二

未有名花開別院只留疎竹繞清渠
平居豈乏移山手一畝荒苔意有餘

少年行

三尺魚腸丈八矛桃花寶馬鷓鴣裘
醪醑美酒名姬勸半醉呼鷹上臂鞬

其二

強弩能開三百石，梟盧不惜十千錢。
酒酣直入金張第，無數妖姬爲執鞭。

醫生呂應鍾者，不談醫而談詩爲調。
二絕

炊麻烹术日漣漣，一畝山園種杏多。
怪是苦冷髮盡白，可能將藥退詩魔。

其二

誰書乍長青芝草，把酒能吟白雪詞。
若使桐君今尚在，也提鍼砭說君詩。

八月十三夜虎丘遇雨

巖雲欲仗歌聲遏，山雨頻將舞袖遮。
應把闔閭城外事，去隨巫峽夢中談。

其二

珠宮十二夜荒涼，月色朦朧雨氣香。
疑是生公來說法，天花無數襲衣裳。

錢塘懷古六首

西湖龍艦幾曾空。又把西湖置內宮。南渡君臣不解事。六陵衰草泣秋風。

其二

六橋車馬亂歌呼。不見山公狎酒徒。絕愛風流蘇太守。衣冠日日長西湖。

其三

十月西湖却似春。堤頭柳色尚含顰。來游

欲問前朝事。黃鳥先呼白舍人。

其四

放鶴亭前弄水雲。水光山色共緜緜。當時霸越雄圖去。惟有湖山屬隱君。

其五

桃李毵毵楊柳垂。香車日傍六橋移。錢唐蘇小今何在。一帶青山是畫眉。

其六

鳳翥龍飛識越都千年王氣不曾孤地靈
自昔多人傑說是錢王起博徒

閶門聽歌妓

雙拖蟬鬢着鮫綃宛轉清歌任意嬌隔岸
行人齊道好游雲不遣過楓橋

其二

酒旗高處是儂家日日粧成坐碧紗一曲
吳趨人盡醉姑蘇臺上欲棲鴉

泊舟吳門就其俗作竹枝詞六首

姑蘇臺邊車馬多姑蘇臺外暮帆過新月
在天光未滿教郎前渡慎風波

其二

郎住江南去江北不知何日是還期雙手
調桑餽蠶急單衫舂米代姑炊

其三

妾住閶門近虎丘慣看賈客醉青樓妾家

夫婿應如此那能心繫百花洲

其四

春風吹上館娃宮
懊恨春光幾萬重
憑君莫唱江南樂
樂盡江南不及儂

其五

懽家慣傍太湖耕
爲買明珠交趾行
陌上送懽懽不見
慙慙更上闔閭城

其六

吳江五月多渡船
姊妹成雙去採蓮
逢著游人無避處
一江荷葉小於錢

落梅四首

不待關山玉笛吹
香消粉退減冰肌
只因第一春能占
容易飄零去故枝

其二

一夜東園花亂流
錯教此地似羅浮
呼童莫掃殘英去
留與佳人貼額頭

其三

姑射山頭作主人，丰姿綽約可憐春。非關
香玉先零落，不與桃花待問津。

其四

宛宛踈花明繡戶，蕭蕭瘦影帶羅闈。幸無
驛使來攀折，却向人前學絮飛。

天倪齋詩卷之十

終